

etataa 'toa, e ere te Ta-
vana, e te haava, o tei hi-
naaro i te hoe hohoa o tei-
enei vaa, auau mai ia e
3 farane no na avae eluru.

vaau mai ia Tenito te ne-
nei parau i Papeete.

TE VEA NO. TAHITI,

Ei haaparare raa i te parau rii api e faufaa hia'i to
te ma enua i roto i te Haa Tamaru; e neia i te mau mahana maha loa.

O te feia hoo taoa, e te mau
taata e haapao i te tani
raa taoa, e tia ia ia nenei
atoa hia ta ratou mau p-
rau faaite i roto i reira.
Faa, ia auau mai ratou
i farane no te reni hoe.

Faaau mai ia Tepito te ne-
nei parau.

APOO RAA IRITI RAA TURE.

Mahana 29 no Tiunu 1853.

Peretiteni raa no Tairapa.

Hoaore. Inaha, ua oti atuna tena parau i te imi hia; te hinaaro
nei au i teienei, e ia imi hia te parau i afai hia mai e au, no te faa-
riro raa i te matacinaa ra o Papeete nei te huru; e
opani roa, eiaha te puua ia faa hia mai i roto. Te faaite atoa 'tu nei
ra vau e, e ohipa hinaaro rahi roa hia teie e to te matacinaa, e ua
haamata hia aenei e ratou. Tera te mea i rave hia'i, te ite ra ratou i
ta ratou maa, e te uru atoa i te pau raa; e te porumu atoa i te etu
noa raa hia mai te tuntuore. No reira ratou i hinaaro ai, e ia faa-
tia papu roa hia ta ratou nei parau ture.

Tairapa. Te faatia papu nei au i ta Hoaore, no te mea, te ite nei au
e e ravea tei reira e maa hia, e e neheuehe ai to ratou ra mataci-
naa.

Tamata hia ihora na nia i te ravea, e ua faatia papu to te Apoo
raa i taua ani raa a Hoaore ra.

Peretiteni. Tei ia N'utere te parau, e nana e taio mai i tehoe
ani raa na Tematuanui, ia horoa hia 'tu tehoe fenua i Pucuiiana ra,
eiaha e faariro hia ei fenua farii hau.

Nuutere. Ua taio mai i taua ani raa ra, e ua faaite atoa mai i te
manao o te komite, e e ore roa e tia taua ani raa ra, no te mea, a
papai hia'i te mau fenua farii hau ra, ua haaputupu hua hia ia te
taata, toa o te matacinaa, e aita hoi o Tematuanui i faaite mai e, o
oia te fatu o tana fenua ra. Ionei atoa hoi oia, a faatia hia e to te A-
poo raa ei fenua farii hau, e aita 'toa hoi tana e parau i reira.

I te hora maha i opani hia i te Apoo raa.

Apoo raa i te mahana 30 no Tiunu.

Peretiteni raa no Tairapa.

I te avatea i afai te Apoo raa. O te ohipa i haapao hia no teienei
mahana. Oia te ani raa a Tematuanui, no te fenua i Pucui, eiaha e
faariro hia ei farii hau.

Nuutere. I te manao o te komite nei, eita roa 'tu ia e tia teienei
ani raa; e hahae atu ra e maitai ai.

Piapa. E haapao iho o Tematuanui i te mau fenua farii hau i roto
i tona iho ra matacinaa e tia, eiaha roa 'tu ra e titau noa mai i teie.
Ua na reira 'toa mai hoi o Papa.

Paete. E matacinaa e teie ta outou e imi na, eiaha outou e faari-
ro ei hui ei nubi mau ra.

Meroa. Tera paha te mea maitai; e ui na tatou i te komite i tona
hia e faataa haere i te mau fenua farii hau; e na ratou e faaite mai
i to ratou manao i nia i teienei fenua.

Nuutere. Ua ite paatoa outou e, o matou tei maitai hia e te tavana
ra e Bonard, e haere e taamu na roto i te mau matacinaa 'toa, e e
faataa haere i te mau fenua farii hau. Ua hio hua matou i taua fo-
nuu ra, e ua faaite papu mai te taata 'toa e, e fenua farii hau
mau. Te parau nei ra o Maraetaata i teienei e o Tematuanui te fa-
tu; eaha ra ia oia i ore i na reira'i i mutaa iho ra? I teienei ra, te
manao nei au e, e vahi ino roa teie e titau hia nei, e rave tenana
ani raa e hahae.

Tati. Ua faaite mai i te mau oia o taua fenua ra.

Nuutere. Aita e faufaa ia imi tatou i tenana parau. E ore te hau
e faatia mai i tena, no te mea, na tatou iho i imi i tetahi aenei Apoo
raa. Ua na reira toa mai hoi o Parahia, e o Piapa.

Faatia roa maira to te apoo raa, e e faarue i taua ani raa ra i ra-
pae.

Ua taio maira te iriti ture no Moruu i tehoe parau ture; ia tapa-
rahi hia te mau puua 'toa e oua haere i roto i te aua, e o te amu
haere i ta velahi e maa.

Papaia. I to'u nei manao, e tia noa ia tapu i te mau puua 'toa e
haere ia i tetahi matacinaa e.

Teaatoro. E vahi tia ore roa tena, e te faahapa uana hia e te tu-
re; e ore roa 'tu e tia i te ture ia taparahi haere noa hia ta velahi e
puua, mai ta outou e opua na; teie ra te faatia hia mai, e o te fatu
i te ino i rave hia e tana puua.

Mare. Ahiri paha i faateiaha rii hia te utua a te feia i tuu haere
noa i ta ratou mau puua i roto i tetahi matacinaa e; mai te mea e,
ia 60 e farane.

Tairapa. E tamata noa na tatou na nia i te ravea. I tia i to te
Apoo raa, e e faariro i tei reira tau matacinaa, mai ia Papenoo e
Papeete te huru ru, tei ia ratou ia te faaite mai; oia hoi te opani
noa i te mau puua i rapae.

Faatia roa maira to te Apoo raa, e e faariro i tatua na matacinaa
ra, mai ia Papenoo e Papeete te huru.

Ua taio hia maira tehoe ani raa na te auvaha ra na Paraita; ua
ani mai oia e: eiaha roa tu te taata tahiti e tuu hia ia faatere na i
nia i te pahi, maori ra ia faatia hia e ana; e auau mai hoi ratou i na
dara e piti, ia tuu hia 'tu te parau ei faatia i to ratou ra reva raa.

Faatia maira to te Apoo raa e e tuu i tana parau ra i roto i te ko-
mite, na ratou e imi, e a tuu faahou mai ai i mua i te aro o to te
Apoo raa.

Ua taio hia maira tehoe ani raa, na velahi mau papaa e te taata
tahiti atoa hoi; o tei ani mai e ia ope e roa hia te mau puua toa
te puua maohi, te puatoto, te puaniho, te moa, etc., etc. Eiaha
roa ia faa hia mai i roto i te matacinaa i Pare e Arue; ia tia hoi te
taata ia tanu noa i te maa, ma te aua ore.

Nuutere. E imi maitai e homa talou i teienei vahi i tuu hia mai
ni i mua i to tatou aro; e riro hoi teie ei ohipa rahi roa ino, inaha
e fenua taatoa teie e opani hia nei. E feruri maita na ra, eiaha e ru
noa hia.

Teaatoro. I to'u nei manao, e maitai apipiti, tei teienei tau ohipa,
te faaapu fenua, e te faaamu puua. E o teie paha i muri tei hau
i te maitai. No reira vau i hinaaro ai ia haehae hia tenana ani raa.

Tearea. Te manao nei au e e riro tenana ani raa ei faananea i te
ohipa. I ti atura hoi ia te ohipa i te rave raa i te aua maa, rahi afu-
ra i tena, i te rave raa i te aua opani puua.

Maheanuu. Te haru noa hia nei a hoi te mau puua 'toa e ori ha-
ere i roto i te oire nei, atira tatou i reira; eiaha e titau e ia opani
roa hia.

Poroi. Ua opani e hia na hoi o Papeete nei, inaha eita te puua
e o mai i roto. Teie roa te fenua i roto i te oire nei i te faaapu raa
hia? Aita roa 'tu. E mahere atoa tena mai tei reira 'toa te huru.
Opani noa hia te puua, e ore a te fenua e faaapu hia.

Ua faatia maira to te Apoo raa e e tuu i taua parau ra i roto i te
rima o te komite no te mau ari raa.

APOO RAA IRITI RAA TURE.

Mahana 1 no Tiurai.

Peretiteni raa no Tairapa.

I te hora 12 i afai te Apoo raa.

Ua faaite te peretiteni i to te apoo raa, e na tapea hia tehoe iriti
ture. oia hoi o Piapa, no tona taero rahi e te hauti. Ua riro hoi tana
haapao raa ei hio raa haama na te taata toa, e na te hau atoa hoi. I
teienei ra hoi, ua tuu hia mai nei oia; e ara ra, e eiaha e na reira
faahou.

Ote. Ua taio mai i te hoe ani raa na Virio; ua ani mai oia, e eia-
ha te taata e puputi haere noa i te puua e tomo i roto i te aua pe.
Ua faatia hia e e tuu i roto i te rima o te komite.

Ua taio atoa maira hoi o Ote, i tehoe an raa i haapono hia mai i
ana, o tei ani hia mai, e e tuu faahou mai i tehoe fenua i komite hia
ra i rapae, e parau faahou.

Tani. Ua oti roa tena i te komite hia; na haere te komite i roto i
te matacinaa, e ua pii hia te ioa o te mau fenua toa, e te fatu hoi i
niaiho. Eiaha roa tena e imi faahou hia.

Ote. Ahiri paha tei reira ohipa i tuu hia 'tu na te mau Toohitu e
imi. Ei reira paha e maitai ai.

Faatia ihora to te apoo raa e e tuu i roto i te rima o te komite.

Papa. Ua taio maira o Papa, te auvaha o te komite, i te ani raa
a te mau papaa e a Paraita no te opani raa i te mau puua i rapae'i
tehoe vahi i haapao hia. Ua faaite atoa mai hoi oia e, i te manao o
taua komite ra, e ore roa 'tu ia taua ani raa ra e au, e faaore roa
ra e maitai ai; no te mea, e piti tau faufaa rarahi e vai nei. to te
faaapu raa maa, e to te faaamu raa puua. E vahi apipiti mai tei
reira toa e maitai ai. Ua vaiho hia hoi o Papeete nei i mutaa iho ra,
ei tanu raa maa, e inaha, aita i tanu hia.

Moeroa. Te faatia roa nei au i ta te komite, e tau faufaa rarahi
mau a teie. No te mea ra e, te manao nei au e, tei te faaamu raa
puua te rahi raa o te faufaa, i titau atoa'i au e e faarue i tenana ani
raa.

Ote. Eiaha e ru noa, e feruri maita e ra. O Papeete anae ra hoi
tei aua hia i teienei; e tuu paha i taua aua ra i rapae atu, e hopoi
roa i Arue. Ei reira hoi ia ta tatou maa e rahi ai i te noaa raa mai.

Hoaore. Hahae alunatena. Mai te anotau mai a Bruat ra, te o-
pani roa raa hia teienei oire o Papeete na, e te
tapea noa hia nei te mau puua e o mai i roto mai
te tuutuu ore. Tehea ihora ra te maa i te tanu

660 692
raa hia? Aita roa' tu. Oia toa teie, faatia noa hia teienai ture, e ore roa a te maa e tanu hia. Ua na reira toa mai hoi o Faarahia e o Paeaau.

Tamata hia ihora na roto i te ravea, e aita roa 'tu taua ani raa ra i tia noa' e i to te Apoo raa.

Ote. Ua taio maira o Ote i te ani raa a Paraita, no te mau taata tabiti i hinaaro e te horo i nia i te pahi, e haere tia mai iana ra faaau ai. E no taua ohipa hoi nana ra, e aufau mai ia te raa-tira o te pahi i na farane 10, no te taata hoe e faaau hia e ana. Ua faaite mai hoi Ote, e e vahia roa taua ani raa ra i te manao o te komite; no te mea, i teienai anotau, ta rahi nei te taata faautua hia e tapuni haere nei, e o te ravea hoi teie e ore ai tei reira peu ino; e mea maitai hoi na te feia horo pahi ibo ia faaau maitai hia te parau, o te faahapa noa hia hoi ratou a muri ae.

Tani. E maururu rahi to'u i teie vahia i faaite hia i te tamarai nei, e faairava toa ra e maitai ai.

Tairapa. I faatia hia teie i Tahiti nei ra, e faataa' toa ia i tehoe taata i Moorea, eite Tuamotu, ei rave i tei reira ohipa e maitai ai.

Tamata hia ihora na nia i te ravea, e ua faatia tatai tahi maite hia na irava' toa e toru o taua ture ra. E i muri ae, ua tamata hia ihora na nia i te popo, e teie tehoepa o taua tamata raa ra.

Iriti ture i tae mai. 74

Popo uouo no te faatia 73

Popo ereere no te faahapu 1

Riro atura taua parau ra ei ture.

Ua taio hia maira tehoe parau ture na te hau, no te mau haapii raa; ia aufau te mau metua tamarai i te moni na te mau orometua haapii, ei haamaururu raa ia ratou no ia ratou ohipa.

(Ua nenei hia te taatoa raa o teienai ture i te Vea no na Tapati i mairi aenei, e no reira i ore i menei faahou hiai i teienai.)

Hoaoe.— Te faatia roa nei au i teienai Ture. Teie ra hoi te vahia iti au ore i teienai, maori ra te iti o te Orometua ite; te vai maua noa nei hoi te rahi i rotou ia ratou. I teienai ra, e faata tatou i tehoe avae ei hiopoa haere raa i te mau orometua, to ratou huru, i te ite raa, e te maua raa hoi. A mono haere atu ai i taua feia maua ra. Ahiri hoi e papaa te orometua ra, aita ia e peapea raa i tei reira.

Nuutere. — E parau maitai roa teie. E ere hoi te moni rahi, inaha, tahi hoe noaiho raere iti i te avae hoe. E ore roa ra vau e faaino noa'e i te mau orometua, ua rave papu hoi ratou i teienai ohipa mai te matamua mai a, mai te tarahu ore hia tu. Aita toa hoi te mau metua tamarai i

hamani maitai rii atu ia ratou. I teienai ra, e imi papu tatou i teienai ravea i taua hia mai e te avaha o te emepera nei, ei haamaitai raa, e e i faaite raa i to tatou maururu i te itoitaito rahi o lana mau orometua ra.

Perte.— E vahia maitai atoa teienai ture i tou nei hio raa. Mai te mea ra e, ia haapii hia tau nei tamaiti, e aita roa tura i ite, e aufau a ia vau ite moni?

Moeroa. — Ia roa te paari e te maitai no te ui api nei e maitai ai. E parau hau roa hoi teie, eiaha tatou e imi ata. Te parau hia nei ra e, e aufau hia taua moni ra na te mau orometua tarahu ore hia. Mai te mea ra e, i roto, i tehoe mataeinaa e piti tau orometua, e ore anei ia e tia ia aufau i te moni na te tauturu.

Mairoo. — E mea maururu roa teie ia paari te tamarai. A tamata na ra na roto i te ravea.

Faatia roa maira to te apoo raa, e e tuu i lana parau ra i roto i te rima o te komite.

I te lora 4 i opahi hiai te apoo raa.

Te mau pahi i tapae mai, mai te mahana 8 mai a no Tetema.

Tira piti Rimatara o Tane, tapena Mote, mai Rurutu mai.

Tira toru Farani o *Nouvel-Alfred*, tapena Pradire, mai Valparaiso mai.

Tira piti beretane o *Royalist*, tapena Harris, mai Fatuiva mai.

Tira hae no Huahine o *Repe*, tapena Haere, mai Huahine mai.

Te mau pahi i reva.

Tira toru Farani o *Bon-Père*, ua reva i Singapore.

Tira toru Beretane o *Orkneylass*, ua reva i Vaihi.

Tira piti Rimatara o *Manahota*, tei Moorea.

Te e'e no te Tavana : BRIOT.